



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU STRANKE ZA OPĆINU OLOVO

Broj: 03-07-6-518/17  
Sarajevo, 04.06.2018. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE .....	7

## **MIŠLJENJE REVIZORA**

Služba za reviziju finansiranja političkih stranaka je izvršila pregled godišnjeg finansijskog izvještaja Stranke za Općinu Olovo za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2016. godinu, utvrđeno je da je Stranka za Općinu Olovo prekršila odredbe člana 5. stav (4), člana 11. i člana 12. stav (1) i stav (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Stranke za Općinu Olovo za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka za Općinu Olovo se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	1.120,00	99,99
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>1.120,00</b>	<b>99,99</b>
<b>II</b>	<b>Ostali prihodi i drugo</b>	<b>0,10</b>	<b>0,01</b>
	<b>Izvori finansiranja (I+II)</b>	<b>1.120,10</b>	<b>100,00</b>

U godišnjem finansijskom izvještaju stranka je iskazala ukupne rashode u iznosu od 779,17 KM.

## 2. PREDSTAVLJANJE POLITIČKE STRANKE

Naziv političke stranke: Stranka za Općinu Olovo. Skraćeni naziv stranke je SZOOL.

Politička stranka je upisana u registar kod Općinskog suda u Zenici, rješenjem broj: 043-0-F1-12-000001 od 20.04.2012 godine.

Sjedište stranke je u Olovu, ul. Tuzlanska bb.

Lice ovlašteno za predstavljanje i zastupanje stranke je Kasim Kljajić, predsjednik stranke.

Lice ovlašteno za podnošenje finansijskih izvještaja za 2016. godinu je Kasim Kljajić.

Prema podacima iz godišnjeg finansijskog izvještaja za 2016. godinu, Stranka za Općinu Olovo nema niže nivoe organizovanja.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Stranke za Općinu Olovo za 2016. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju

političkih stranaka i odredbama poglavlja 15. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskih izvještaja Stranke za Općinu Olovo obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Pregled i kontrola finansijskih izvještaja Stranke za Općinu Olovo izvršeni su u periodu od 2012. do 2015. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2015. godinu, izdat je izvještaj o pregledu sa mišljenjem revizora da nije utvrđeno kršenje odredaba Zakona o finansiranju političkih stranaka.

#### **5. NALAZI I PREPORUKE**

##### **5.1 NALAZI**

**a) Stranka za Općinu Olovo prekršila je odredbe člana 5. stav (4) Zakona o finansiranju političkih stranaka.**

Stranka za Općinu Olovo nije u poslovnim knjigama evidentirala nenovčanu donaciju po osnovu besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Uvidom u izjavu fizičkog lica, utvrđeno je da je stranka koristila poslovni prostor u vlasništvu fizičkog lica bez naknade.

Stranka za Općinu Olovo je korištenjem poslovnog prostora u vlasništvu fizičkog lica, bez plaćanja zakupnine, primila nenovčanu donaciju, koju je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2016. godinu.

**b) Stranka za Općinu Olovo prekršila je odredbe člana 11. i člana 12. stav (1) i stav (4) Zakona o finansiranju političkih stranaka.**

Pregledom godišnjeg finansijskog izvještaja i dodatne finansijske dokumentacije, utvrđeno je da Stranka za Općinu Olovo nije popunila godišnji finansijski izvještaj za 2016. godine u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik i nije pravilno iskazala prihode i rashode u poslovnim knjigama, čime je prekršila odredbe člana 11. i člana 12. stav (1) i stav (4) Zakona o finansiranju političkih stranaka.

(1) Stranka za Općinu Olovo nije u obrascu 3-e (nenovčane donacije i računi koje stranka nije imala obavezu da plati) godišnjeg finansijskog izvještaja iskazala nenovčanu donaciju fizičkog lica po osnovu besplatnog korištenja poslovnog prostora, čime su i ukupni prihodi iskazani u manjem iznosu u odnosu na ostvarene, što je suprotno odredbama člana 13. i člana 18. Pravilnika.

Stranka, takođe, nije u obrascu 4.1 (režijsko-administrativni i ostali troškovi) iskazala troškove zakupa poslovnog prostora, odnosno iskazala je ukupne rashode u manjem iznosu u odnosu na ostvarene, što je suprotno odredbama člana 21. i 22. Pravilnika.

- (2) Stranka je u obrascu 3 (izvori finansiranja) godišnjeg finansijskog izvještaja za 2016. godinu iskazala prihode od članarine u ukupnom iznosu od 1.120,00 KM.

Uvidom u Obavještenje koje je, dana 10.02.2015. godine, članovima stranke uputio predsjednik stranke, utvrđeno je da članovi stranke imaju obavezu da plaćaju članarinu, ali da visina članarine nije propisana, tj. da članovi stranke mogu plaćati članarinu u skladu sa svojim mogućnostima.

Imajući u vidu navedeno, a s obzirom da je odredbama člana 5. stav (1) i stav (2) Zakona o finansiranju političkih stranaka propisano da se članarinom smatra redovni novčani iznos koji član političke stranke plaća na način i pod uslovima utvrđenim njenim statutom ili drugim aktom, te da se dobrovoljnim priložima smatraju povremene ili redovne uplate kojima fizička ili pravna lica dobrovoljno daju novac političkoj stranci u iznosu većem od iznosa članarine, mišljenja smo da je stranka primila priloge svojih članova u ukupnom iznosu od 1.120,00 KM, tj. da nije ostvarila prihode od članarine.

Iskazujući u finansijskom izvještaju prihode od članarine umjesto priloga fizičkih lica, stranka je prekršila odredbe člana 13. i člana 14. Pravilnika.

- (3) Kontrolom izvoda sa transakcijskog računa stranke, utvrđeno je da stranka nije u obrascu 2 (pregled prometa svih transakcijskih računa političke stranke) iskazala tačne podatke o prometu izlaza i saldu na dan 31.12.2016. godine, čime je prekršila odredbe člana 11. Pravilnika.

Stranka je, naime, u obrascu 2 iskazala ukupan promet izlaza u iznosu od 1.768,57 KM, odnosno nije iskazala saldo na dan 31.12.2016. godine. Uvidom u izvode sa transakcijskog računa, utvrđeno je da je ukupan promet izlaza iznosio 1.779,18 KM, dok je na dan 31.12.2016. godine iskazan negativan saldo sredstava u iznosu od 10,61KM.

### **Troškovi izborne kampanje**

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM<sup>1</sup> po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Stranka za Općinu Olovo je u svrhu izborne kampanje mogla da potroši sredstva u iznosu od 2.759,10 KM.

Stranka za Općinu Olovo je u godišnjem finansijskom izvještaju za 2016. godinu i postizbornom finansijskom izvještaju – Lokalni izbori 2016. godine iskazala troškove propagande u iznosu od 584,77 KM.

---

<sup>1</sup> Član 15.10 stav (2) Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

## 5.2 PREPORUKE

*Preporučuje se Stranci za Općinu Olovo da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi evidencije o primljenim priložima,*
- *da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

### **KOMENTAR:**

U ostavljenom roku, Stranka za Općinu Olovo nije se očitovala na nalaze i mišljenja revizora dato u Preliminarnom izvještaju godišnjeg finansijskog izvještaja za 2016. godinu.

Šef Odsjeka za revizijske poslove, revizor

Sanja Tošović

Šef Službe za reviziju

Mr.sc Hasida Gušić